

四庫全書

史部

欽定四庫全書

史部

欽定日下舊聞考卷一百二十一至
四

詳校官庶吉士臣范逢恩

檢討臣德生覆勘

總校官進士臣程嘉謨

校對官進士臣單可璠

勝錄監生目黃珩

欽定四庫全書

欽定日下舊聞考卷一百二十一

京畿保定縣

保定縣在川城南四十里

明一統志

臣等謹按保定縣明屬霸州

本朝屬順天府

增縣在府南二百里東西距三十三里南北距二十八里東至文安縣界二十二里西至保定府雄縣界十一

里南至文安縣界二十三里北至霸州界五里東南至
文安縣治四十里西南至河間府任邱縣治九十里東
北至永清縣治七十里西北至保定府新城縣治九十

里

大清
一統志

臣等謹按保定縣所轄幅輳本不甚廣是以統屬
未嘗有定秦屬上谷漢屬渤海東漢又屬廣陽晉
屬章武國隋初屬瀛州後復屬涿郡保定為涿之
新鎮地唐為幽州五代石晉割以賂遼屬析津後

周顯德六年世宗置霸郡而邑屬霸宋置平戎軍
改保定縣金元明仍之蓋其地實為瀛莫要區設
邑建官固不在疆域之廣狹也

原保定本雄州歸信縣之新鎮也其形勝乃邊陣之衝

要

九域志

原太平興國六年以涿州歸信縣新鎮置平戎軍景德

元年改為保定軍

輿地廣記

增平戎軍今保定縣治樂史太平寰宇記本莫州新鎮

之地太平興國六年陞為平戎軍以扼邊陲之喉東至霸州三十里西至莫州七十里

大清一統志

臣等謹按

大清一統志保定漢涿郡易縣地唐為涿州歸義縣地宋初為歸信縣地太平興國六年置平戎軍景德元年改為保定軍蓋是時以澶淵之役遼遣韓杞來請周世宗所取關南地不許始改保定之名也增平戎軍本雄州歸信縣之地景德元年改為保定軍

景祐元年析霸州文安大城二縣五百戶隸軍

九域志

原宣和七年廢保定軍為保定縣隸莫州尋依舊

宋史

臣等謹按保定入金即宋徽宗宣和七年事也是

時其地已屬金之雄州据宋史地理志所云尋依舊者蓋具文耳實非宋有也

原金為保定縣屬雄州元割屬霸州至元二年省入益

津縣四年復置

清類天文分野之書

原保定縣從軍名也

郡縣釋名

原保定故城相傳宋團練使楊延朗所築嘉靖庚戌羽
書告急郊圻震驚知縣事崇德呂煥首出俸錢以為倡
乃度地量工斟酌舊址棄東南而依西北以便守也僅

五月而告成煥自為之記

保定縣志

增呂煥修城記 城池之設所以保障一方為百年計
也近時值多事余奉檄築建蓋守土之急務不容緩者
但公帑空虛而力有未逮每懷耿耿鬱邑人間之咸相謂
曰此舉為誰而使侯若是也遂欣欣然各自以家私之
盈縮議備物料以助城工即疏名以聞於余不越月而
諸料畢集矣且當道之省諭有曰成大事勿惜財費余
亦曰不一勞不永逸而諸尚義者之樂事赴工適與符
合是則所賴以共成斯舉以垂千百年屏翰之業者非

斯人而誰與用布姓名俾勒於石若其賢士大夫贊余議以決其成且捐資為一邑倡必有能記之者茲不敢
檄書嗚呼建立惟艱尚冀後之
同志君子永圖之
保定縣志

臣等謹按保定縣舊城計周六里奇六十九步高
三丈濶二丈尊玉帶河以環其外今舊址尚存新
城計周八百八十九步高一丈五尺即呂煥所謂
棄東南而依西北以便守者新城凡四門東曰通
和南曰南薰西曰惠安北曰玉流環聚其上皆有
敵樓謹附載以備考

原縣治及學宮皆洪武中知縣事張仲謙建

保定縣志

增燕平書院在保定縣北門內

本朝乾隆二十三年知州芮泰元建

大清一統志

增玉河書院在保定縣北門內

本朝乾隆二十一年知縣孫似梅倡建

同上

原保定軍砦二桃花軍北七里父母軍北一十一里

九域志

增桃花砦世傳楊延朗築屯軍士基址尚存今稱旋馬

結達

保定縣志

原政和三年改父母砦曰安寧

宋史

增將臺在縣西南楊延朗演武之處下多鐵汁掘土者

每見殘戟

保定縣志

臣等謹按保定在宋時最為重地是以楊延朗守

此以鎮三關北以霸州為一關西以雄州為一關

又白溝河為一關其團練兵馬處遺址尚存云

增父母軍寨在城西八里楊延朗守平戎時感父業殉

敵祭父於此今稱為寨上

保定縣志

增六郎洞在東關古傳通數十里今失其處

同上

增張青口衆流中一凹千艘來集為保定正定河間三

府行鹽要地商賈貿易水路通衢

同上

增南鎮在城南十八里

同上

臣等謹按保定縣志南鎮為南北往來孔道河流

環繞岸有古柏橫接如橋行者便之邑志謂之柏

橋古渡

原玉帶河在縣北遶縣東南入於磁河或曰即霸水之

下流也

方輿紀要

原磁河源自安州聚九河之水至雄縣為瓦濟河至保

定縣為磁河入直沽

明一統志

增玉帶河上流有二派一西北自新城縣來者曰北九

河一西南自任邱五官淀來者曰南六河俱會於雄縣

之毛兒灣流入保定縣界為玉帶河

大清一統志

臣等謹按縣治西北九河一盧溝一拒馬一夾河

一琉璃一胡良一桑乾一烏流一白澗一白溝西

南六河一黑羊河一一畝泉一方順一塘河一沙河一磁河俱會於保定玉帶河亦名苑口河是河容納衆派全資千里堤岸以為保障且保定在河之南文安又在保定之南大城又在文安之南保定之堤永固則三縣皆受其福矣

增陸光旭修堤碑記 玉帶一河為白溝漚沱琉璃數十河之下渚恃長堤百里以為之防鯨波一決三邑其魚官斯地者生斯地者固與堤為命者也夫以衆河之水聚一河則易決以三邑之功禦一堤則易完而歷來數失其防者何哉一以民習之久玩也曲突不事而補亡羊一以隣人之秦越視也同舟勿心剝床奚及夫霸

州文大幅幘亘百餘里而達而堤則錯壤相間或一邑
分汎數處或一堤數邑協修自蘓橋迤東文防居多西
則霸大相界而盧各莊河干乃保疆分汎十王堂者文
堤也接胡家墳保障者大城久不修之界岸也新家背
後則保大所共有事也何家道口則初為大堤而今為
大堤也過此南北橫堤則燕子口達北村武各莊者隸
平戎向南則廣陵修汎注窩則平舒分工也段落甚悉
形勢昭然三邑父老之胸口中亦極了了舊碑有曰
大安五分大城三分保邑一分蓋古人計害均勞使犬
牙相制者指臂牽連以使此修彼應良深意哉旭以壬
辰莫月莖宰平戎越歲夏適吳妖為祟新家背後城堤
危如累卵牒呼不應代荷鍤畚豈天譴難回狂龍夜瀆
產蛙廬灶稻蟹無遺嗟此哀鴻葬魚腹而徙四方不知
其幾千百人也乙未暮春
詔發帑金修築同廣陵宰韓子斗山廣文張子大章暨
捕幕謝廷祐拮据於漸堤流水之間夏徂秋凡四閱月

欽定四庫全書

卷一百二十一

而堤成又張臬使委代築大城注窩等堤數百大是年
也幸馮夷息浪新壘屹然去國化雋牽車而還故里矣
不意今夏之日陽侯再肆湧浪如雷旭也臨河而懼疾
呼鳩衆駕土牛搯槍朽五晝夜與蛟龍戰而卒以堤全
廬舍幸免蜃魚之藻居人始有稻粱之謀於是紳士民
僉欣然曰是堤也築於今修於今令之心骨竭於堤堤
之利害悉於今盡鵠數語以為後日券因聊叙顛末於
貞珉焉凡百君子慎之哉居安而虞逝波其渝臨深而
惕城維衆志毋曰一簣九仞功虧母曰涓涓江河因之
詩不云乎迨天之未陰雨徹彼桑土凡百君子慎之哉
母忘蔡鼓順治丙申
立石 保定縣志

增王各莊引河自玉帶河起至中亭河止橫亘三千一

百餘丈乾隆十年開挖二十九年疏濬

大清
一統志

臣等謹按

大清一統志王各莊引河舊名十望河為玉帶河分流
其源自西北來者由雄縣入保定境自西南來者
由任邱縣入保定境總匯於毛兒灣至盧各莊下
入霸州之中亭河乾隆十年開挖二百四十丈二
十九年疏濬至三十八年復展寬挖淤詳見

御製詩注中

增乾隆三十八年

御製閱鷹嘴壩及鹿疿引河處詩以示直隸總督周元
理 前歲決口凡兩處東則鹿疿西鷹嘴堵築長堤已
完善或再逢漲慮後此況均臨近受頂衝取直引河固
其理插標備覽取進止就我所知無不指鹿疿渠長已
合宜鷹嘴渠短應西徙鹿疿引河周元理擬挑九百丈
足資取直之益即如所擬行其
鷹嘴壩曲處止擬挑引河一百二十七丈勢促而渠短
河猶頂衝不能引溜以化險工因指令徙西展長百十
丈使不逼近大堤河防原等民惜費我弗為督吏鳩工
以衛民即多費亦弗靳也

爾其壘

臣等謹按鷹嘴壩鹿疇引河

御製詩謹繹有關紀述者恭載卷內

原二里城在縣東北宋時積糧於此

保定縣志

臣等謹按二里城今有遺址

原保定堤自路疇村起直抵西營唐頭等村計長四十里其南與文安界而北則霸州也議者謂決霸州之堤以疏水性而築大堤於南以衛文安則畿南十數州可

免於水患矣

名勝志

增保定堤即千里長堤明永樂六年知縣王孟原所築

舊為秋水冲決乾隆三十七年修築

保定縣志

增黃猶岡在路疇東北隅登眺其上野花香滿禾穗鱗

層清流環繞綠樹陰濃

同上

臣等謹按路疇即鹿疇其東北隅尚存小土阜土

人傳為黃猶岡

原漢張堪墓在城西南二里

保定縣志

臣等謹按後漢書張堪拜漁陽太守開稻田八千

餘頃致民殷富百姓歌之曰桑無附枝麥秀兩岐
張君為政樂不可支視事八年其墓處史無明文
非如朱邑桐鄉之鑿有可據惟考保定於漢為涿
郡易縣地與漁陽郡統屬幽州其界相連或亦堪
遺愛所在然其蹟已不可復辨矣

原唐竇建德墓在城西南二十里

保定縣志

朱彝尊原按新舊唐書建德於陣前俘獲戮於長安市保定有墓未必真也

增天寧寺在城東北隅

保定縣冊

臣等謹按天寧寺未詳始建年月有弘治元年僧

隱菴撰重建碑記為邑之鉅刹有古鐘聲振十餘

里今鐘樓雖廢而鐘尚存

增明僧隱菴天寧寺重建碑畧 保定縣城東北隅有
吉壤與塏昔人即其地建精藍榜曰天寧實圻內之鉅
刹也經始未遑究其年代元季寺毀迨宣德改元洞明
禪師甫棲之觀茲廢跡遂奮志興復先於西山伐杞梓
梗荆塞川而下甄陶甃瓦堆邱積岳於是漸次締構邑
民施捨者旁午絡繹其制先建殿庭至若文室神祠祖
堂繚垣屹立回廊四合厥志未就付屬弟子遠悟遠悟
能不負所屬以興修為己任前建天王殿并禪堂齋廡

洎山門凡叢林所宜有者以次修畢遂能化瓦礫為祇園幻荆棘為金利猗歟盛哉余嘗謂格理盡性為入道之本僧園法物乃宏道之資欲樹其本必賴其資今茲營建使樹其本者有所資宏其道者有所託其於佛門可謂大有功矣遠悟不遠十里謁余為文茂揚成績詞不逮意直言其梗概勤諸貞珉庸示悠久云弘治元年歲在戊申四月日立保定縣志

欽定日下舊聞考卷一百二十一

欽定四庫全書

欽定日下舊聞考卷一百二十二

京畿

文安縣

原文安縣在州城南七十里

明一統志

臣等謹按文安元明皆屬霸州

本朝改隸順天府

增文安縣在府南二百四十里東西距五十八里南北距七十里東至大城縣界四十里西至保定縣界十八

里南至河間府任邱縣界三十里北至霸州界四十里
東南至大城縣治五十里西南至任邱縣治七十里東
北至東安縣治一百二十里西北至保定縣治四十里

大清
一統志

原文安漢縣屬渤海郡東漢屬河間國和帝二年置瀛

州以縣屬焉

清類天文
分野之書

原晉泰始元年分瀛州之東平舒文安章武東州置章
武國縣在古文安城至後魏太平十一年置瀛州以統

章武縣遂歸瀛州北齊廢章武入文安隋大業七年征
遼途經於河口當三河合流之處割文安平舒三邑戶
於河口置豐利縣隋末亂離百姓南移唐貞觀二年以
豐利文安二縣相逼遂廢文安城移文安民就豐利城
置文安縣即今理也

太平寰宇記

原唐初屬瀛州景雲二年屬莫州周顯德六年屬霸州

九域志

原宋景祐元年省永清入文安移州治于此皇祐元年

復徙治故地

清類天文
分野之書

原金大定中徙州治益津以縣屬焉

方輿
紀要

原元屬霸州明因之

清類天文
分野之書

原漢縣令趙夔創建土城明正德九年知縣事王鳴重

修翰林院侍讀李時撰記

文安
縣志

原李時修城記

正德辛未河北盜起剽掠諸州縣文

安荼毒最甚坐城之廢故也歲癸酉齊東王石來尹是

邑顧而嘆曰民保于城城闕于令城之廢民不能生矣

乃集耆老諭之并力爰作興役于甲戌三月閱明年乙

亥秋訖工焉城周圍九里列雉堞建樓櫓題其門南曰

來薰北曰拱辰東曰迎恩西曰永定山麓大安之民欣

欣馬賴以無恐君名鼎字公實相是
後者縣丞王景沂也 薇花堂藁

臣等謹按縣志明正德間知縣王鼎修城計袤七
里高二丈五尺城門五角樓四敵臺警鋪八濠池
沿城周圍一千二百七十丈外護以堤崇禎中知
縣張上春增高五尺添砌磚堞甕城

本朝乾隆三十三年知縣阮基領

帑加磚砌城添設門樓修橋濬池

原縣治元皇慶元年知縣事李祐修建明洪武初縣丞

鄧士龍重修儒學創自宋大觀八年元皇慶中知縣楊潤李祐重建泮池東北壁有大觀碑宋徽宗手蹟也

安文

縣志

臣等謹按宋徽宗碑今字蹟漫滅

原尚野重修文廟記文安廟學貞祐甲戌金主南渡焚蕩殆盡僅存大觀八行之碑再歷周宋遼金祚終皇元受命肇開貢舉優復中選草昧漸草世祖潛藩賓禮師儒務先學校至元三年勅上都建孔子廟用敦化源四方萬里莫不知所振厲黽勉從事文安近在畿內無以應德意二仲釋奠即其故基表以草幕苟簡不恭觀者惻然八年辛未縣設教諭以邑儒董君榮為之董君素有興復議而病未能也即言于縣以國家方事襄樊

欽定四庫全書

四

修之後理寓於六經六經即天即聖人故自天子以至庶人無一不可以學孔子必反身思誠存心養性得大廟之制而不失其學之實非徒王安石所謂近世法者也邑令與董君父子祖孫之成學廟亦宜韓愈所謂不能脩事者哉雖然學必久而後成野喜其民牧學官之克協而將行又慮其始勤終怠而不繼也因并附此以示無窮焉

文安縣志

增後漢書度尚由上虞長遷文安令註曰文安縣故城

在今瀛州文安縣東北

上同

原舊文安城寰宇記在縣東北三十里今柳河有古城

正當良隅即文安故城無疑矣上有漢縣令趙夔祠

上同

增柳河鎮有渠

大清一統志

原文安潭名潭在縣北一十五里

邠縣釋名

臣等謹按縣志文安潭卽急流口

原文安有狐狸淀隋書

原文安縣狐狸淀俗謂之掘鯉淀

隋圖經

朱彝尊原按掘鯉之淀見左思魏都賦

增石城淀在文安東北四十八里又有慈老淀黑母淀落坡淀四角淀俱在縣東北又趙家泊在東北六十里

即太平寰宇記所謂滹沱河東溢為趙淀也

大清一統志

原水紋淀在縣西宋起塘濼東自信安軍永濟渠西至

霸州莫金口合水紋得勝諸淀為一水今廢

方輿紀要

原火燒淀在縣東二十五里廣四十餘畝縣境有石溝

柳河急河三水皆聚流于此東入衛河達于直沽元志

河間府境有黃龍淀自鎖井口開鑿至文安縣玳瑁口

通濼水經火燒淀轉流入海今湮廢

同上

原易水在縣西自保定轉流入境即沙河諸水下流也

同上

增縣西北遙堤自白家道口至上五各莊長八里明萬

厯間築

大清一統志

臣等謹按縣志白家口又名河家口

原滹沱河水在縣西北三十里又東溢為趙淀

太平寰宇記

原今川原改易滹沱經縣東南不經縣西矣

方輿紀要

臣等謹按滹沱之環丈安者三支北支由河塘下

白洋淀中支由晉州天宮口至河間下五官淀南

支即子牙河也又最南一支由深州衡水清河單
家橋下青縣入御河後諸支俱淤惟子牙河一支
會諸流滙三角淀今益改而東下流逕會清河達
西沽矣

原霸州苦水而文安形如釜底尤為諸水所滙其苑家
口會同河與栲栳圈新挑河各東西相去約二十里北
岸屬霸州南岸屬文安各築高堤文安約六七十里霸
州約五六十里屹如長城累年有秋實賴于此但築堤

靜海以南皆當其衝康熙三十九年

聖祖親閱河工特授方畧於獻縣河間東西兩岸築長堤西接大城東接靜海各二百餘里又于東堤廣福樓之焦家口開新河一道東北至賈口入淀特設分司一員董其事自是瀕河之民咸獲寧宇矣

又按康熙四十年

聖祖巡視子牙河壩以

御臨唐太宗所書漢文帝勸農詔

賜撫

臣

李光地同知

臣

楊朝麟勒石

增

聖祖仁皇帝御製巡子牙河建壩詩
暫別宮槐幸子

牙近村處處少人家
清河微暑浮畦麥
綠樹初陰接岸
沙堤外草荒艱籽粒
淀中水淺捕魚鰕
黃童白叟望霖
雨霖雨先施莫自賒

增乾隆三十二年

御製恭依

皇祖閱子牙河詩韻

有序

子牙河滹沱下游也逕大

城縣之子牙村始得是名夫滹沱在昔即已著稱而子
牙之名則非古乃縣志謂其地有子牙廟即釣臺遺址
所言無足據按史記載呂尚以魚釣于周西伯西伯獵
遇於渭之陽注引酈道元劉向之說以証雖磻溪渭渚
釣迹不同而其地尚皆近岐西故夫王出獵得遇之自
為可信至此地距岐數千里安得有釣璜遇主事蓋古
蹟流傳率多假借不特釣臺說涉荒唐即以大城為東

御製再依

皇祖閱子牙河詩韻 謾議滹沱訛子牙

滹沱河以經大城縣之子

牙村遂有子牙河之名舊志因傳會其地有釣臺遺蹟

丁亥春巡閱河堤曾依

皇祖詩韻並于詩序辨呂

尚釣璜不應在此以訂其訛雖然天下一家奚一家秦

分秦趙總在大地之內此一轉語亦不可少也

趙詎殊家麥因淀潤纔出土柳偃堤風欲捲沙

籌畫當年仰

疏淪閭閻今日利魚鰕觀民要為

去聲

安民計咫尺

穹碑法宣賒

增乾隆三十八年

御製三依

皇祖閱子牙河詩韻 東溜沿河有鋸牙經村因遂屬

姜家

子牙河本游沱下游以經大城縣之子牙村始得是名向曾於和韻詩序訂正其誤繼復為轉語解

之然河因人得名且其說無稽究不足為正也 入清本是東歸海隔運都緣西

挾沙隄外資耕黍與稻水中任取蟹和鰕

屢巡總為蒼生計繩繼無違企

蹟賒

臣等謹按子牙河

御製詩謹繹有關紀述者恭載卷內餘不備錄

原蘇家橋在縣東二十里當往來之孔道靖難初燕王

自固安縣渡巨馬河駐師蘇家橋即此

方輿
紀要

朱彝尊原按蘇橋縣志謂蘇明允故蹟載詩云蘇公

曾授文安簿河上蘇橋自昔傳然明允為文安主

簿以脩禮書授秩未嘗赴州也

臣等謹按文安垠在霸州苑家口經蘇橋堂頭村

至土橋村長九千餘丈乾隆二十六年河水漫溢
築護月堤草壩三十二年自三灘里西接千里長
堤築格浞約二千餘丈新舊堤岸各長一萬一千
餘丈

增蘇家橋恭建

行宮

文安
縣冊

增乾隆三十二年

御製蘇橋雜詠四首
修禮予之主簿祿幾曾赴任柳

河廳長橋却說老蘇建未讀歐陽墓誌銘尸祝斯人

理亦宜

河北岸有蘇簿祠昔人建以祀蘇洵

幾間老屋水之涯眉山材品

河干境伯仲虎邱短簿祠

勸農詔是漢丈為唐帝書

之念在茲

臨賜撫臣示

明訓

康熙四十一年

皇祖巡閱河堤

御臨唐

太宗書漢文帝勸農詔以

賜撫臣李光地建

亭勒石蘇祠側

敢忘繼序仰豐碑

碑亭左側有書齋點綴軒

憲致頗佳偶爾經過解纜去費如許為不紓懷

增乾隆三十五年

御製題蘇橋二首 姚闢陳州洵霸州太常因草禮同

修了知食祿弗任事宋史刪文未細求 石橋不是建

西湖却與長堤同號蘇一實近修載一遠領洵爾家父

子信賢乎 歐陽修撰蘇洵墓誌云會太常修纂建隆

以來禮書乃以為霸州文安縣主簿使食其祿與陳州

項城縣令姚闢同修禮書為太常因草禮一百卷按誌

所言是洵止食主簿祿而未任事且二人同修一書而

一在陳州一在霸州決無是理元托克托等修宋史刪
使食其祿句若洵實任文安主簿者然後世遂因而有
橋與祠之附會夫以洵之文學即假借以羶薌其地尚
無不可然史所以傳信顧以刪節之疎沿謫貽誤使非
歐陽之誌又孰從而正其舛哉

增乾隆三十八年

御製蘇橋雜詠

蘇橋蘇建是耶非

河北岸有蘇洵祠
相傳橋即蘇建但

洵主簿是帶祿踏涉間會是以丁亥
過此詩有幾曾赴任柳河廳之句

徒見長虹枕石磯

便即傳訛人固當往來利涉達皇畿 碑亭巖巖泐宸

章

蘇祠旁碑亭恭泐
勅農詔是康熙四十一年

皇祖御臨唐太宗書漢文帝
閱河時 賜前撫

臣李光
地墓刺

每過屏營敬讀詳緋几問誰副灑

筆祇宜唐漢兩文皇 左側行齋有數間開窓綠水俯

潺溪虞孤汎埽殷勤意小坐聊消片刻閒 安福御艫

侯水濱鳴鑼催緯發通津却嘉大吏悉予意排當繁文

總未陳

先期中諭大吏今番所過頓火一切
燈綵級景並不許預備少涉靡文

臣等謹按蘇橋

御製詩謹繹有關紀述者恭載卷內餘不脩錄

增乾隆三十二年

御製閩文安堤工作 辛巳秋行潦風浪掀喧陞文安
本大窪長堤報漫開清水向南洩百里遭沴災蠲賑命
妥為急堵決口培蘇橋至馬村加高益厚皆大工癸未
就涸土耕犁排連年幸有收元氣復田垓堤上茲臨閱
士民欣我來叩謝爾莫亟吾猶抱歉哉

增乾隆三十五年

御製閘文安堤工疊舊作韻 萬民隨兩岸笑語任掀

颺登岸罷清蹕纔容線路開閘堤乃要務釜底每被災

壬午始興工卑薄一律培癸未告歲事丁亥獲收皆戊

子復行潦已丑重濬排茲焉觀醜流田畧涸高垓窪地

原汪洋治水慙斯來或曰田占水

文安窪形如釜底潦水易積難消上次巡

視至此窪水益涸盈望麥疇茲則舊時麥地尚有在水
中者深以疏消乏策為屢或云窪本水地涸則民倍獲
利乃田占水非水占田即果如所言亦
不若速全消涸讓地於民之為愈也

其然豈然哉

增乾隆三十八年

御製閏大安堤工再疊舊作韻 登隄望大窪銀浪轟

雷颶百里渺無極愁眉蹙難開緣因庚寅潦幸卯繼受

灾去歲隄始成卑增薄者培疏洩減大半尚未涸以皆

大吏跽而陳非不竭力排稍待四月間或可耕田垓然

則昨秋豐此地賦何來

大安窪惟丁亥春涸出種麥庚寅經此開視窪仍為水占今尚

一望汪洋為之軫念雖周元理云四月可以盡涸亦未

能期其必然且此窪至今積水則上年之難施耕種可

知昨歲歲輔既稱昔豐而文安窪尚有積水百姓豈能

納無田之賦然大窪之有無正供及賦額重輕不可不

徹底稽核為民等久遠計因勅軍機大

臣會同周元理覈實以聞另取進止

吾當有明詔蠲

緩蘇民哉

臣等謹按文安堤

御製詩謹繹有關紀述者恭戴卷內餘不備錄

增左家莊在縣東北乾隆三十四年恭建

行宮

文安縣冊

臣等謹按左家莊亦稱左各莊

行宮內佛堂聯曰不見聞聲羣鳥唳無塵有色衆花鬢

書室東楹聯曰琴薦墨壺都妥貼天光水態盡冲

容西楹聯曰波含素影澄心鏡魚躍清澗識道機
及

湛觀軒

涵鑑堂澄景樓環照齋諸額皆

御書

增乾隆三十五年

御製題湛觀軒詩 左各莊行宮中支軒臨沼映日澄

心蓋淀水易引事半功倍名之曰湛觀而係以詩 詎

必鑿塘更穿土引來淀水便成池階前流潔源清會座
裏天光雲影披不啻十家費已惜居然半畝照相宜湛
如對處非空寂斥鹵民艱有所思

增又

御製涵鑑堂詩 溪堂俯映鑑光寒春淀生波曲注潭
內澹澹如外澹澹前三三即後三三鳶飛魚躍趣無
盡芷嫩蒲新芳未酣設欲照他先自照雖知此理覺行
慙

增又

御製登澄景樓詩

拾級樓欄上

上聲

一層滄波牆外見

空澄水村圖問誰家好佳景王孫示我曾

石渠寶笈有
趙孟頫水村

圖真蹟
神品

增又

御製環照齋詩

浣水易為引溪齋照若環澄懷孰是

勝延步亦其間魚鳥觀人意琴書伴我閒如云寓精鑒

實早識惟艱

臣等謹按

湛觀軒諸處

御製詩恭載首見之篇餘不備錄

增石溝村在縣東北有琴高祠

文安縣志

臣等謹按石溝河即中南二派河合流處也村以河得名琴高祠乾隆三十八年重修

增乾隆三十八年

御製琴高祠詩 涿水今猶古 浣祠是也非 舍人棄以

去龍子取而歸邀月為窻牖令風司戶扉惟應佺羨輩
來往會依稀

臣等謹按石溝村琴高祠

御製詩恭載首見之篇餘不備錄

原南北盧蒲城在縣西二十七里齊侯放盧蒲嬰於此

城冢

記

原魯昭公三年齊侯田於莒盧蒲嬰見泣且請曰余髮
如此種種余奚能為公曰諾吾告二子歸而告之子尾欲

復之子雅不可曰彼其髮短而心甚長其或寢處我矣

九月子雅放盧蒲嬖於北燕

春秋左氏傳

增褚少孫補三王世家云本始元年封廣陵王胥一子為平曲侯正義曰地理志云平曲縣屬東海郡又云在瀛州大安縣北七十里七十字疑倒今縣北十七里有

城曰廣陵

文安縣志

原三角城在縣西北二十里石勒築以備燕

太平寰宇記

臣等謹按三角城今廢

原廣陵城在縣西北二十里與保定縣接界宋時聚糧

於此以守益津關

方輿紀要

原安平砦在縣西北三十里宋置今廢

同上

增縣有劉家渦刀魚渦阿翁雁頭黎陽喜渦等砦政和

三年改劉家渦曰平安

宋史志

原武平亭在文安縣北七十二里今名渭城

括地志

原史記趙世家惠丈王二十一年趙徙漳水武平西二

十七年徙漳水武平南蓋是時漳水北入大河也

方輿紀要

臣等謹按今勝芳河在縣東北七十里會同滹沱

漳水匯流於北即武平地也亭廢

增狼虎廟鎮在縣西北二十里為南北通衢

大清一統志

原文安有廣陵趙君神

魏書

原趙變漢武帝時為文安縣令好神仙值文安大旱乃

自焚土人感慕因立祠焉

圖經

原趙君廟今名仙公堂在近郭莊

文安縣志

原靈集寺在莊頭村僧文淳撰記內有藏經閣閣後古

檜二株傳是漢時植

同上

臣等謹按今碑記無考尚存古檜一株

原樂巨叔墓在縣東南二十五里樂毅伐齊後從燕入

趙毅生間間生巨叔毅封昌國君至漢高祖求毅之後

封巨叔為華城君卒葬于此

太平寰宇記

增漢諫議大夫韓延壽墓在文安縣東南韓村

大清一統志

臣等謹按韓延壽墓今無考

原唐御史董甫墓石在城西南安祖店萬厯初土人掘

得墓石乃裴晉公撰文

文安縣志

臣等謹按唐董甫墓石今無考

原相公莊唐工部尚書張仁憲故里有神道碑在莊北

其東南道左有相公祠

文安縣志

原唐張仁憲神道碑幽州節度掌書記李儉撰幽州節

度參軍蔡陵八分書并篆額仁憲字仁憲官至太子中

允其孫仲武為盧龍節度使追贈仁憲為工部尚書碑

以大中二年立在文安縣

集古錄目

原季儉銀青光祿大夫太子中允贈工部尚書清河張
公神道碑銘 天垂四序所以表歲成之功地別九州
所以分代天之治寒燠之運行叶度河岳之感應有期
是故體五常而承五福贊九德而著九功盛業克著於
旂常佳名攸傳于寰宇素行蘊蓄於至德積行必昭於
後昆傳曰明德若不當代其後必有達人富哉言乎有
大唐工部張公孚靈有道之邦懷抱縱橫之畧宏圖批
於一德奇表出于萬人操筆運六體之工彎弧倍六鈞
之力輕財重義急病攘敵然諾信于友人賙給行於州
里不以一隅自束不以一節自持情懷以約常從結駟
之遊塵列嘉賓通受脫驂之惠視公家之祿於我如浮
雲視金玉之藏比之於纖芥居如列口譽若置郵語默
順持浮沉自樂隨俛從事逍遙不羈嘗任本州歷居右
職貞元初勅授銀青光祿大夫太子中允四年薨於昌
平縣之官舍春秋七十有五旋窆於文安縣之西北安
樂鄉原夫人扶風郡太夫人魯氏左廂兵馬使太子詹事

福之女行符箴頌禮具蘋蘩後公二十二年而沒至是
附焉禮也公諱仁憲字仁憲其先清河人五世相韓文
成見稱於漢代三臺輔晉壯武克大於當時昭彰四
表厥飲八極祖諱為瀛州刺史封清河伯遂家於燕王
父諱佐明宣威將軍幽州和政府右果毅都尉烈考諱
元峻宣節校尉幽州潤德府折衝都尉夷世戴德克廣
前修擢華閭之門鉛鯨崆峒之秀元子諱神寂無祿
早亡嗣子諱光朝冠軍大將軍行左威衛大將軍檢校
國子祭酒遷兵部尚書訓導義方學該典禮出則推鋒
鏑居則莞韜鈴珠復膏館於五千鐵衣時驅於十萬
銘彝器譽冠縉紳銀黃生致琴筑自娛膺福履以樂天
坦襟懷以卒歲積慶出範高朗全終誕生元臣為國巨
鎮嗣子諱仲武今幽州盧龍節度副大使知節度使兩
省經畧盧龍兼元招撫回鶻等使銀青光祿大夫檢校
司空同中書門下平章事兼幽州大都督府長史蘭陵
郡王食邑三萬戶星辰降祥而東政清熙帝罔立言而

金玉王度嚴干戈以衛社稷推彖象以究天人側席求
賢勞心致理厯階清級夙奉鴻私海受錢專征登庸任
相和美鼎鼐國治六卿之光為國幹楨論道三臺之列
實生靈之藤鏡為明主之腹心伯氏諱仲弼薊州刺史
永太軍營團練等使檢校工部尚書光祿大夫繼續家
寶蟬聯國柄黃霸為列郡之雄關公乃萬人之敵相國
有子曰宜方國子祭酒兼御史丞薊州有子長曰得輔
國子祭酒兼侍御史次曰得平兼監察御史審州司馬
敬鉉幽都主部敬殷幽州參軍洎長房有子曰沛早亡
琇兼監察御史有孫曰惠連兼殿中侍御史皆珪璋特
達冠蓋相望月青克紹於形容蘭菊聯芳於英蕓所謂
勲業卓冠儒史名家穆然清風高視羣品相國以逮事
邇遠丰脩漸遐松楸既行琬琰永勒景行安仰思之罔
寧是用伐石他山建碑立隧以儉居其家嘗窺舊史竊
熟華宗授簡勒銘期於直筆盛德難名因扣紃而常思
墮淚設問強繹婉黃絹而德愧受平銘曰自汴元黃郎

無戴籍華宗上德奇謀異跡開道赤松受兵黃石道若
昭晰慶流輝赫當塗代漢興午承曹地分東西位列卑
高為郎署筆作宰操刀國儲俊又代有英髦降及元魏
清河連偶為郡臨燕卜鳳戴什公卿屈宅德義泉數史
不絕書士無虛口惟唐八葉誕生尚書文華執範禮義
推輿揮金滿路載德盈車清風穆若待傾沾諸泳游道
德蘊藉儒史力荷千鈞名馳萬里不享眉壽不登貴仕
道邁前修度沅後嗣克生全于賢曰時英魁梧器宇性
格恢宏爵位隆重度量襟虛業惟匡國惟懷永圖持衡秉
鈞杖鉞以壯龜鵬齊年山河比量籍籍羣從扶扶德音
或臺或閣如玉如金日星照地桃李垂陰雪霽崑崙花
繁鄧林著於梧櫬刊之彝鼎金石既刻丹青重炳文
志安縣

原元平章政事王伯勝墓在縣治東南二十五里岳村

墓道有碑

同上

增王儀墓在文安縣北十八里張哥莊

大清一統志

臣等謹按縣志明右副都御史王儀墓有中允楊

維聰誌

增孟母臺臺下有深洞相傳為宋將孟良藏母處

文安縣志

補王孝子原霸州文安縣人父曰珣娶於張生原小字

曰某時畿輔役事煩苛比屋流亡珣無所仰賴餬其口

四方原稍長數問母父安之母告以故輒哀啼不自勝

願求父俱還母泣慰之既受室矣力請於母慟哭而出
至燕至趙至齊糧盡行乞於市已渡海抵田橫島日夕
颶風大作就道左土偶祠假寐夢游僧舍日當午僧炊莎
米為飯推而食之一盂味殊苦復和以肉汁曰甘乎
曰甘已復口誦偈授之曰如來如來真箇來好去好去
還須去忽聞剥啄聲而寤則一老父拄杖逍遙來前類
有道者原起立須之流涕白所以且告以夢老父沉吟
曰日當午者南方也莎草者其根附子也和肉汁者附

子膾也先苦而後甘子其南行乎必求諸蘭若中乃得之原因南踰汶泗渡洛漳至輝縣之山寺視其名為夢覺原心自喜會雨雪倚寺門而卧昧爽僧出問少年何所人何以至此原對以文安人為尋父來問父何狀曰生數月而父出不識狀僧引謁其師師分糜餒衆珣方為僧都養僧召珣指原示之曰此少年亦文安人珣曰爾父何人原曰王珣珣曰爾非小字某者耶原曰是也父子相抱而哭乃同歸原竭力耕田以供子職珣年八

十有四而後卒越數十年有司上其事聞於朝詔旌其門原年亦八十有四有子六人孫一十五人曾孫二十

有二人應期應霖舉進士

大泌山房集

原燕王旦發民會聞大獵文安縣以講士馬

漢書

增漢武帝衛太子敗燕王旦自以次第當立上書求入

宿衛上怒削良鄉安次文安三縣文安始見於史

文安縣志

原張茂者文安縣大盜也家有高樓列屋深墻窖室招集亡命劉宸劉寵齊彥名李隆李銳楊虎朱千戶等又

納賂于豹房諸近侍太監張忠者號北墳張居與茂通
茂結之為兄因得徧賂馬永成于經谷大用輩遂出入
禁中嘗侍上蹴鞠倚是益無忌憚庚午春夏間河間叅
將袁彪數敗茂及諸賊茂窘乃求救於忠忠置酒私第
招彪與茂東西坐舉酒屬彪字茂曰此彥實吾弟也今
後毋相扼又舉酒屬茂曰袁叅將今日與爾一面之好
爾今後毋寇河間彪畏忠不敢誰何既而都御史寧杲
欲擒賊立功有主簿李為巡捕承杲意偽作彈琵琶伶

人入茂家具知鄉道杲率驍勇數十人乘其不備入擒之斧折茂股車載以俘餘賊相率至京謀出首逆罪忠與永成為之請於上且曰必獻銀萬兩乃赦之寵宸計無所出潛令楊虎叔近境冀以足數獻會虎焚官署寵宸知事敗乃逃去其徒日多叅將桑玉受其賂不肯力攻嘗相遇於文安村中寵宸匿民家樓上欲自剄玉故緩之有頃齊彥名持大刀脅官軍敗衄者數十人至樓下彥名曰呼諸敗軍皆呼彥名曰救至矣寵宸遂彎弓

注矢以出射殪數人王大敗引還時辛未六月也及都御史馬中錫奉命討之中錫家在故城懼賊殘其墳墓乃為招撫之計嘗與賊會飲於桑園時已有詔旨劉六等不赦又懸賞格募能斬之者中錫酒中許以不殺宸曰無多言吾已知朝廷不赦吾輩矣中錫曰無之宸出詔旨於袖中拂衣挺刃而去蓋京師動靜悉先知之以貂璫為之與主也

明武宗
實錄

補正德中天安縣水忽僵立是日大寒遂成冰柱高五

大周圍如其高中空而旁有穴數日流賊過太安鄉民

入冰穴中避賊得金土人謂之河僵

丹鉛錄

補高松字守之號南厓子文安人不仕善書擘窠大字

寫灰堆山小景并梅菊蘭松墨竹鉤勒甚佳

畫史會要

欽定四庫全書
欽定日下舊聞考卷一百二十二

欽定日下舊聞考卷一百二十二舉正

刪定原書刪訛作冊今改

尚野重修
文廟記

士馬原書馬訛作馬今據漢書改

燕王旦發
民會圖條

欽定四庫全書
欽定日下舊聞考卷一百二十二舉正

欽定四庫全書

欽定日下舊聞考卷一百二十三

京畿

大城縣

原大城縣州城南一百三十里

明一統志

臣等謹按大城縣自周顯德及宋元明皆屬霸州

本朝屬順天府

增大城縣在府南少東二百九十里東西距四十八里
南北距六十五里東至天津府青縣界二十三里西至

河間府任邱縣界二十五里南至河間府河間縣界二

十五里北至天津府靜海縣界四十里東南至青縣治

二十里西南至河間縣治一百二十里東北至靜海縣

治九十里西北至文安縣治五十里

大清一統志

原大城本漢東平舒縣屬渤海郡

太平寰宇記

原代郡有平舒城故加東地理志曰勃海之屬縣也

水經注

增東平舒故城今大城縣治漢置水經注漳水枝瀆逕

東平舒縣故城南代郡有平舒城故加東魏氏土地記

曰章武郡治世以為章武故城非也

大清一統志

增平舒縣在瀛州東北一百二十五里衡漳水在其界

括地

志

增大城縣西北去霸州九十五里本漢東平舒縣北齊

為平舒縣周顯德六年割隸霸州今改名大城

太平寰宇記

原後漢屬河間國晉於此置章武國後魏為章武郡北

齊廢郡為平舒縣隋開皇十六年於長蘆縣置景州以

平舒縣屬焉大業末劉黑闥兵亂河朔侵吞郡縣唐武

德四年賊平縣屬景州貞觀元年州廢歸瀛州

同上

原大城縣五代時置屬瀛州周顯德六年屬霸州

輿地廣記

原宋金元仍舊明因之

明一統志

原正德七年知縣事石恩始築土城嘉靖中知縣全尚

貢張應武相繼甃以甃建門樓二隆慶間知縣趙德光

補建二樓城周四里一十三步高一丈六尺為堞一千

有九十四門東曰通和西曰安阜南曰明遠北曰恩光

環以壕廣六大崇禎六年知縣毛雲翰復增崇六尺

大城

縣志

臣等謹按大城縣城

本朝順治九年重修乾隆八年改築

增故城基址在城北土壟迴折相傳是舊城又傳名越

州城今縣城仍舊址築只得其半

大城縣志

原縣治當城之中洪武元年主簿周自銘創置

同上

原學宮在縣治西金天會十二年縣令姚璧建元至正

二十三年達魯噶齊楊甫重建元末兵燬洪武間縣丞

王巒復建弘治三年知縣張津重修增設講堂及光風

霽月亭

同上

臣等謹按光風霽月亭今廢

原金劉光國重修廟學記 昔王仲淹遊孔子廟嘗嘆曰大哉乎君君臣臣父父子子兄兄弟夫婦父子兄弟之力也蓋夫子之道具於人心而著於君臣父子兄弟夫婦之倫其教其於六典而行於邦國鄉黨家庭之間自漢唐以至於今莫不知尊其道矣其道尊則其祀亦尊廟貌之崇垂之有永前哲之所以形於歌詠錫於金石者豈無謂哉乎舒公廨之西孔聖舊宮在焉規制太陋瞻視未尊歲久而就圯天會十二年秋九月邑令姚公下車未久一日顧謂僚屬諸士子曰風化之地象敬若此吾何以辭其責乎乃積良材運堅甍集衆工以

量度之上而殿廡下而庖庾莫不繕治而復賁之墁飾
繅之垣堵煥然其一新矣余惟儒學之設明人倫育人
才非徒美觀也唐虞三代之盛蓋有自來而秦火煨燼
聖學榛蕪視學宮為傳舍者衆矣昔范甯宰餘杭性質
直好儒學風化大行於期年之後自中興以來莫之或
先云今公加意學校可無愧於餘杭風矣然范公之崇
學敦教者不止於修葺宮牆公之教平舒也豈無身先
士類者乎其於聖經賢傳之大旨君臣父子之大倫禮
樂刑政之大法講習討論於師友之間勇往奮迅洗濯
刮磨務臻斯道之妙士習丕變與學宮而俱新庶不負
夫子之教而造士作人之盛心愈久而不泯也於是乎
書 大城縣志

原元馬克忠重修文廟記 皇宋呂蒙正作孔子廟碑
云聖人之興也能成天下之務能通天下之志然不能
免窮達否泰之數是故達而有位則聖人之道泰堯舜
禹湯是也窮而無位則聖人之道否我先師孔子是也

此時之所值雖殊而功之在天下萬世者則均爾昔者大道既隱其風漸漓英靈始謝於衰周德教方隆於大漢闢邦家之正途播古今之彝憲百王取法千古師宗信乎夫子之道消息兩儀損益三代立三綱而垂五教正禮樂而辨中外其有補於生民而垂於萬世者蓋賢於堯舜而禹湯莫之過也郡縣各立學校以吾夫子為宗而配之諸賢所以崇德報功也自兵燹之後積有百年祀典衰而文教微乎舒故有文廟黜堊漫污瓦甃剝落廢毀殆盡至今三十三年達嚕噶齊揚公宰邑下車之初躬謁聖廟觀草莽荒蕪之狀咨嗟瞻顧有感於中乃與其僚屬及諸士大夫謀曰聖廟未新文風未振尹茲邑者寧無愧乎於是命工庀材規辦貲費相農隙誅茅茨即故基為築垣墉自殿廡以至齋舍靡不聿新宏敞軒闥璀璨輝煌視昔則如隆矣故崇祀有所而神得其依授教有居而士安其業俎豆生輝儒林生色楊君功在庫序亦偉矣哉爰自經營之日不暮月而落成茲

以侯躬親其事棟楠磚埴之類積儲素具無取給於民也宜其成之速而公無廢務民不知勞也邑人張溫劉澤等適觀厥成而樂民之不擾懇余書於石以揚其美乃從而銘之銘曰聖道昭彰兮儒風慶延崇彼廟貌兮厥功茂焉雕甍畫棟兮金碧相鮮琢詞貞珉兮奎壁星聯春秋致祭兮陳其豆蓬人文宣朗兮億萬斯年同

原滹沱河出縣北一百三十里

太平寰宇記

原永濟渠在縣東五十里

同上

臣等謹按大城縣東二十五里為青縣界永濟渠

在縣東五十里地入青縣今非大城所轄

增黑龍港河在大城縣南上流有三一自縣西南逕南頭村入境循四呈口與鹽河會一自縣南曹家市北流逕遷至四呈口一自青縣扈家店流至四呈口與鹽河

會流

大清一統志

臣等謹按黑龍港河與子牙河合詳見後條乾隆五年疏濬

原大城縣北有子牙堽相傳以為太公嘗居此所謂北海之濱是也河中有釣臺浮出烟波土人云常隨水高

下雖大浸不沒

燕山叢錄

臣等謹按子牙堽釣臺今無考

增子牙河在大城縣東自河間縣東又北歷文安縣入靜海縣界即滹沱滏陽諸水下流也一名鹽河又名沿

河

大清一統志

增沿河自河間縣之龍華橋入縣界東北流至縣東南二十五里四呈口合黑龍港河亦名交河北折繞縣東十二里趙扶村又北折逕子牙村故名子牙河又北二

十里逕王家口分為二派一西北流八十里出新挑河

一北流迤東六十里由王慶坨入三角淀

大城縣志

臣等謹按今子牙河由河間縣屬劉谷莊橋流入大城縣境至張家莊分為正支二河正河自北岔河口起至王家口新河口止支河自岔河口起至青縣界止乾隆二十九年興修水利奉

旨以舊正河為支河改支河為正河大加挑濬於是水順其性經靜海縣大城境與正支合流由天津歸

海

增王家口在縣北六十里有王家口鎮

大城縣志

增

聖祖仁皇帝御製大城文安等處堤修完舟中駐蹕王家口詩 積水頻縈慮長堤幸已成桑麻連井邑花柳近清明漸愜勤民意還深問俗情蘭橈經過處布穀喚春耕

增中亭一支與玉帶河南北相望自霸州東三岔口分

為三派其支流從石溝南出緣大堤而東至左家莊仍

入石溝河三派並至臺頭會流曰臺頭河

大清一統志

增臺頭村恭建

行宮

大城縣志

臣等謹按臺頭村

行宮堂額曰清源堂聯曰春水生來蘭葉細霽烟低處

柳條濃

內殿聯曰常有輕雲釀雨意愛看秋水泛烟光皆

御書

增乾隆三十二年

御製格淀堤至臺頭西南而止命接築至千里長堤因
成是什紀事詩 禹貢無堤水亦治後惟賴此障防之
常虞渾派北澗至間有清流南漲時格淀意佳何忽止
鳩工命續要堅為村民喜躍從心願力穡趨時勉莫遲
增又

御製於臺頭行館作 行館一區構淀潰水營艱築致

斯勤

舟程例設水營臺頭浣泊環繞地多支港水營卡障難以施功地方大吏因於輿璫處建行宮數楹

以供

無過晝夜憩而去何必軒庭綴以紛岸柳春光染

驚色溪波風意漾韡紋臺頭設復循名義吾正慙焉在

漢文

增又

御製清源堂詩

書堂潔治浣池潄維暮之春適憩臨

巡狩無非塵民莫詠歌還以絜官箴遠帆望帶夕陽去

歸棹看從別浦尋大法小廉清固美求源應自始吾心

臣等謹按臺頭村

行宮

御製諸詩恭載首見之篇餘不備錄

原黃河在縣東北八十里其上源是即易水下流自安次縣是文安縣分流入縣境又東北入武清之三角

淀

方輿紀要

臣等謹按黃河亦名臺頭舊小河自莊兒頭東舊格淀堤根起至臺頭老淀河止計長十三里乾

卷一百二十三
隆三十年動

帑挑濬

增沿河堤起自河間府接縣西之驀門村沿三岔口入

文安界迤邐盤曲百有餘里

大城縣志

臣等謹按沿河千里長堤一名長城堤又名護城

堤自縣南馬村閣起沿西北三岔口入文安界計

長八十二里一自縣內之張家莊北岔堤頭起至

三岔口計長二十四里乾隆三十二年

命自臺頭村西南至千里長堤接築格淀堤三十五年
奉

旨補築

增乾隆三十五年

御製補築格淀堤成輟輿往閱因疊舊韻成什
數典

誰過神禹治幾曾禹貢曰隄之行其無事今非古占以

有淤勢與時圖格清渾空闕築

格淀隄舊至莊兒頭而止丁亥臨闕恐中問空

闕無以障格清渾因命大臣履度勅督臣動帑接築至三灘里與長堤屬計十五里有奇今則全隄一律鞏峙

欽定四庫全書

卷一百二十三

矣不過跡漏補苴為輕輿十里勤來閱永逸謀艱立為
聲渥

臣等謹按格淀堤

御製詩謹繹有關紀述之篇恭載卷內

增長城在文安縣東南接大城縣界延袤百里相傳燕

趙分界處

大清一統志

原平陵城在縣東北一百一十里漢書蘇建封平陵侯

即此地也

太平寰宇記

原章武故城在縣南四十七里漢置縣屬勃海郡武帝封竇廣德為侯邑後漢仍屬勃海郡三國魏因之晉屬章武國後魏屬浮陽郡又析置西章武縣屬章武郡高齊省入平舒縣

方輿紀要

增西章武故城在大城縣南漢章武縣在今滄州界後魏正光中分置西章武縣屬章武郡北齊省舊志章武城在今縣南四十七里以在章武之西故加西也

大清一

志統

原清漳自章武縣故城西故潞邑也枝瀆出焉謂之潞水東北逕參后亭分為二瀆應劭曰平舒縣西南五十里有參后亭故縣也世謂之平鹵城枝水又東注謂之蔡伏溝又東積而為淀一水逕亭北又逕東平舒縣故城又東北分為二水一水右出為潞一水北注潯沱謂之潞口

水經注

增李壇鎮在縣南四十里又廣安鎮在西南十八里皆

有堡有集

大清一統志

增子牙鎮在縣東北四十里與靜海縣接界東北去靜海縣四十五里有東西二村東屬靜海西屬大城以鹽

河中流為界

同上

原縣北十里所民家耕牛生麟其地名麒麟窪

燕山叢錄

原鳳凰臺在縣東北十五里晉石勒四年鳳凰見於此

因築臺

太平寰宇記

臣等謹按鳳凰臺久圯

原仙人洞在縣南俗名故縣村洞深入不能窮今已閉

塞

名勝志

增清風井在縣西牛村因牛烈女全節得名

大城縣志

原孝順窪在縣西良村相傳唐太宗征高麗萬馬飲之

不涸

同上

原秦太子墓在縣城北六十里段隄村相傳始皇巡狩

駐蹕於此值幼子薨因瘞之

城家記

原居民向太子冢祈禱無不應者俗呼為仙人臺

大城縣志

原唐靳夫人墓在城東南十五里宛州長史靳思室也

墓石尚存

名勝志

原大城城西五里有古墓近世民竊發之見五色石柳
上有王羲之三字乃掩之好事者因立石識其處右軍
故琅琊人流寓江左墓本在會稽今大城云云其妄無
疑矣然大城外黃皆有右軍祠聞金世貴書至以字工
拙進退士故北土多慕右軍而祀之

燕山叢錄

臣等謹按縣志或曰羲字乃義字之誤

增尚父廟在大城縣東北四十里子牙鎮

大城縣志

原興寧寺在縣東南十五里白楊村唐貞觀年建明成

化中重修

同上

欽定日下舊聞考卷一百二十三

欽定四庫全書

欽定日下舊聞考卷一百二十四

京畿固安縣

原固安縣在府西南一百二十里

明一統志

臣等謹按固安縣明屬順天府

本朝因之

增固安縣東西距五十五里南北距一百十里東至永清縣界二十五里西至涿州界三十里南至保定府雄

縣界九十二里北至宛平縣界十八里東南至霸州界

五十五里西南至保定府新城縣界七十里東北至宛

平縣治一百十里西北至良鄉縣治七十里

大清一統志

原固安本漢方成縣屬廣陽國後漢屬涿州郡改成為

城

清類天文分野之書

原晉屬幽州范陽國元魏屬范陽郡北齊省焉

同上

原隋開皇九年自今易州涑水縣移固安縣于漢方城

縣地取漢故安縣為名其漢故安縣故城自在易州易

縣東南七百步

續通典

原漢故安縣即今易州隋開皇中始改置于故方城縣

界乃改為固

舊唐書

增隋開皇六年改置固安縣屬幽州大業初屬涿郡大

清一統志

原唐武德四年屬北義州移治歸義縣章信堡城貞觀

元年省州以縣屬幽州

清類天文分野之書

臣等謹按章信堡今無考

原大厯四年改屬涿州

方輿紀要

原遼金仍屬涿州金割以遺宋宋名涿水郡威德軍節度縣隸焉未幾金取之仍為涿屬邑元割屬霸州又改屬大興府中統四年升為固安州屬大都路洪武二年

降為縣

清類天文分野之書

補王惲固安道中作

十月燕南道提封入按巡清霜

嚴比雪枯樹老于人尚遠經綸妙須勞撫字頻前林鳥

鵲盛喧集聽餘

春秋潤集

原縣治初無城郭正德辛未羣盜起山東轉掠河北縣

常被戕民始知懼知縣事西安王宇始創土城周方五
里餘崇二丈三尺為門四東曰寧遠西曰豐樂南曰迎
薰北曰拱極上各建層樓三楹嘉靖二十九年壽光蘇
繼來知縣事改甃以磚四十四年知縣事河南何永慶
增土加甃因舊制而重修之城壕則嘉靖中知縣事安
陽李珏所鑿而何永慶重濬焉

國安縣志

臣等謹按縣志明崇禎四年知縣事秦士奇濬四
門濠設橋築堤修砌城壕後漸傾圯

本朝乾隆十五年奉

旨興修改砌磚門四

增明顧清創建固安縣城池記 都城南二百十里有
邑曰固安本漢廣陽國之方城縣至隋易今名歷唐宋
金元常為州邑入國朝又百五十年而城池之守未備
承平恬熙上下循習若以為當然者正德辛未盜起山
東轉掠河朔邑嘗被戕民始知懼上亦以廷臣議詔增
築郡縣之無城郭者而固安猶未有以應命也乃乙亥
六月御史盧君按歷其地慨然念之召知縣王君宇圖
曰此使君生我也敢不盡力於是為之規其方位劑其
土物籌其工費以條約上王君轉于盧君復言于朝得
霸州及永清等縣各以其衆來助羣心歡趨一唱百和
起是歲七月至明年四月而城成先辟其四門而為樓

四

月之間使此邦之民子子孫孫得安枕而卧者皆王君之功也而何可忘之乃相與具書京師請記其事刻之石以告來者御史名雍字師朗蘇郡人正德辛未進士詳慎而敏遇事優為不動聲色城其一事也王君字德周關西鄉貢士清勤奉職在蜀之仁壽已有聲城成遂入判順天府其可稱述不止此縣丞劉濬張經主簿王慶典史張綸等贊襄左右與有勞焉法皆得曄書逮予記者嗣令孫君璵皆有足嘉者嗚呼尚相與勉之以無廢前人之功哉明正德十五年六月立固安縣志增曹夢麟創建四門吊橋記 邑舊無吊橋今之吊橋作於泰明府蒞任之三月也時為庚午初夏公繕城製器之餘周城浚池深二丈許瓶四吊橋夫池舊有之而今為天塹橋舊無之而今為天險其版之堅可以通車馬也其機之括可以任去存也橫雲數柱遊者可憑而題也規制一開繼者可循而葺也明府負重之資應變之器胥具是矣余承鄉先生言為吊橋記記吊橋所以

記明府也乃接而歌曰橫木平平險以設思神君既去
有橋傑思西望太行榆水環思山河長久惠曷竭思

同上

原縣治在城西北隅其左為儒學學宮東偏有尊經閣

金護國仁王寺佛閣也有飛騎尉蕪管常平倉李成彥

碑記正德丙寅知縣事太康劉湜并入于學宮

同上

臣等謹按縣治及儒學學宮明洪武三年建金李

成彥碑今不可考

增明楊維聰尊經閣詩 阿閣三重書百篇青衿白首
此鑽研兩河檻外清蕪濁阡陌宮前斷復連北關晴雲

常五色西山瑞霽巨千年歸儒逃墨思
翼迹入室升堂俟後賢 固安縣志

原護澱水上承護陂於臨鄉縣故城西東南逕臨鄉南
漢封廣陽王子須為侯國地理記曰方城南十里有臨

鄉城故縣也

水經注

原福祿水出西山東南逕廣陽縣故城南東入廣陽水
亂流東南至陽鄉縣右注聖水聖水又東南至陽鄉城
西不逕其北矣縣故涿之陽亭也地理風俗志曰涿縣
東五十里有陽鄉亭後分為縣王莽時更名章武即長

鄉縣也按太康地記涿有長鄉而無陽鄉

同上

臣等謹按縣志福祿河聖水桃水東來合之今涸

原桑乾河自良鄉縣流注縣界又東南流入東安縣境

合于巨馬河

方輿紀要

原桑乾河在縣西二十里至燕丹口分而為二其一至

通州入白溝河其一逕小直沽入于海

名勝志

原永樂二年十月修順天府固安縣渾河決岸七年六

月固安縣渾河決賀家口傷禾稼命工部亟遣官修築

十五年閏五月修固安縣孫家口堤岸

明成祖實錄

原正統八年六月渾河水溢決固安縣賈家口張家口

等堤詔隣近州縣協力修築十一年六月渾河水泛賈

家里張家口堤決命有司修築之

明英宗實錄

原正德中渾河堤決禾黍悉為巨浸嘉靖初徙流縣北

十里入永清縣界

方輿紀要

增桑乾河明萬厯中徙固安縣西十餘里尋又徙城南

泛溢固安永清之境後又徙固安城北

本朝順治十一年復改流縣西與清水合流康熙三十
七年

聖祖周覽河道命撫臣于成龍等起良鄉之張家莊至
東安之郎城河重開河道遷流于東由固安永清之北
引流直出柳岔口三角淀達于西沽築長堤捍之

大清一

統志

臣等謹按自固安至西沽河堤所謂千里長堤也

仰惟

聖祖貽謨因勢利導創立隄防俾渾流得以順軌
皇上御極以來復屢蒙

親臨相視為淀為泊為渠為堰皆一一

示以修防之要惟在有水土之責者遵而守之斯萬世
永賴矣

原巨馬河在固安縣理西一百一十里

太平寰宇記

臣等謹按巨馬即拒馬今據

大清一統志拒馬河在涿州西北自涑水縣流入與疏

璃河合即古桃水不入縣界

原盧溝河入縣境復分流入霸州界謂之巨馬河或謂之安陽河周顯德六年世宗遣先鋒將劉重進據固安自至安陽水作橋謀取幽州會有疾而還建文時燕王駐兵固安渡巨馬河即此

方輿紀要

增東湖西湖在縣東八里相傳白蘆等河之水經炒米店東南流潞于此南北濶十里東西盡縣境乃九河支流也今涸其地有東湖西湖兩村

固安縣志

原聖水東南流右會清淀水水發西淀東流注聖水謂

之劉公口也

水經注

增桃水源自涑水縣經徐城東南又東逕陽鄉縣入聖

水

固安縣志

原曲洛溝源自督亢陂經縣南東注方城泉

太平寰宇記

臣等謹按今縣西南三十五里有曲溝鎮距督亢

陂二十五里接新城縣界

原臨鄉城在故方城縣南十里漢縣屬涿郡後漢省劉

昭曰趙孝成王十九年與燕易土以臨樂與燕即此城

也

方輿紀要

增臨鄉故城在固安縣南漢置初元五年封廣陽項王

子雲為侯國屬涿郡後漢省入方城縣括地志臨鄉故

城在固安縣南五十七里

大清一統志

原陽鄉故城在今縣西北二十七里後漢省晉復置為

長鄉高齊天保七年省入涿縣其城亦謂之長鄉城

太平

寰宇

記

臣等謹按固安縣北有陽鄉在永定河南岸屬宛平縣界乾隆十六年改名長安城為伏秋防汛駐劄之所當是古陽鄉地也

增陽鄉故城在固安縣西北漢初元五年封廣陽王子發為侯國屬涿郡後漢廢晉復置長鄉縣屬范陽國後魏曰長鄉北齊廢魏書地形志范陽郡長鄉縣有長鄉城

大清
一統志

原陽鄉魏收志作長鄉

方輿
紀要

原聖水縣西北有武陽城相傳燕昭王所築

城邑考

原固安東南逕韓城東詩韓奕章曰溥彼韓城燕師所

完王錫韓侯其追其貊奄受北國鄭玄曰周封韓侯居

韓城為侯伯言為獫狁所逼稍稍東遷也王肅曰今涿

郡方城縣有韓侯城世謂韓號非也

水經注

原成王十二年王帥燕師城韓王錫韓侯命

竹書紀年

原昔周宣王亦有韓侯其國也近燕故詩云溥彼韓城

燕師所完其後韓西亦姓韓為衛滿所伐遷居海中

潛夫

論

原武王子初封于韓其時召康公封于北燕實為司空

王命以燕衆城之

曹氏詩說

原溥彼韓城燕師所完涿郡乃燕地也又有奄受北國之言水經注聖水逕方城縣故城北又東南逕韓城東引韓奕之言為證梁山恐是方城縣相近梁山界上之

山

李氏詩譜

原燕師所完鄭箋以燕為燕安王肅云今涿郡方城縣

有韓侯城燕北燕國愚謂詩云奄受北國肅說為長

困學

紀聞

補詩曰其追其貊燕師之北國也韓在燕北貊為韓之北國韓既歸于燕韓從而東徙漢初謂之三韓

燕史

朱昆田原按郭氏之說與潛夫論相發明

原方城舊城在今縣東南十七里

括地志

臣等謹按方城舊址不可考今有方城村

原聖水東逕長興城南又東逕方城縣故城李牧伐燕

取方城是也魏封劉放為侯國

水經注

原水經注聖水逕方城縣故城北又東南逕韓城東王肅曰今涿州方城縣有韓侯城魏書地形志范陽郡方城縣有韓侯城按史記燕世家易水東分為梁門今順天府固安縣有方城村即漢之方城縣也水經注又云濕水逕良鄉之北界歷梁山南高粱水出焉是所謂奕奕梁山者矣舊說以韓國在同州韓城縣竊疑同州去燕二千餘里即今召公為司空掌邦土量地遠近興事

任力亦當發民于近甸而已豈有役二千里外之人而
為築城者哉召伯營中亦曰因是謝人齊桓城邢不過
宋曹三國而召誥庶殷攻位蔡氏以為此遷洛之民無
後紂都之理此皆經文明證況其追其貊乃東北之國
而蹶父之靡國不到亦似謂韓土在北陲之遠也

日知錄

原韓侯城今縣南名韓砦營者是

名勝志

臣等謹按縣志韓寨營在縣東南十八里即古韓

侯城

原固安縣西南十八里有土臺俗呼雀臺傳是趙李牧

故蹟

名勝志

臣等謹按雀臺在今縣西南十八里高丈餘其上

廣平數百步有雀臺寺

增固安有黃金臺

水經注

臣等謹按縣志燕昭王築黃金臺在易水後人慕

之亦築于此

增歇馬亭在東嶽廟前元至元中建明弘治中改為獻

享亭縣人劉傑有記

固安縣志

臣等謹按歇馬亭今廢

增水寨元舒穆魯拜達勒鎮守處

固安縣志

臣等謹按水寨今無考

增知子營元布哈丞相屯軍于此其家傳報生子遂改

馬慶店為知子營

固安縣志按布哈義見前舊作伯華今譚改

臣等謹按縣志知子營又作質子營相傳宋叛臣

李壇質子彥簡于朝而潛為私驛自益都至京師

質子營至是彥簡遂用私驛逃歸

原栗園在縣界北魏孝昌三年上谷賊杜洛周遣其黨曹紇直掠薊南幽州刺史常景運遣將于榮擊破之于

栗園是也

方輿紀要

臣等謹按栗園舊址今不可考

原固安縣東北八里有張華村村人指石井欄八角曰

故宅處

帝京景物畧

朱彞尊原按宛平亦有東張華村西張華村在西

直門外八里莊相近蔣仲舒謂華宅在盧溝橋東而晉書本傳云方城人當以在固安者為是

原張華村臨桑乾河

郡國志

增張華字茂先魏張平子范陽方城人性至孝少孤貧自牧羊同郡盧欽見而竒之鄉人劉放竒其才以女妻焉華學業優博圖緯方丈之書莫不詳覽時人罕能測

之其生平品概俱詳晉書

固安縣志

原涿州管下固安縣有獨流村

金人疆域圖

臣等謹按縣志獨流村在縣南五十里

增牛塢堡方八百丈明嘉靖時建

固安縣志

臣等謹按牛塢堡舊址在今縣南為巨鎮

增禮讓堡方三百六十五丈明嘉靖時建

固安縣志

臣等謹按禮讓堡名今廢遺址僅存

增孫臏墓在方城村東南一里許有石門

固安縣志

臣等謹按房山縣亦有孫臏墓至

本朝康熙年間房山縣知縣羅在公得墓誌始知在房

山者為唐將軍孫士林墓云

原金張君墓在押敵村西北一里有石刻云故贈儒林

郎清河張君之墓明昌二年立石墓前石獸尚存

固安縣志

原元宋侯墓在駝頭村西南半里有石刻云大元故武

畧將軍大都路都總管府判官宋侯墓翰林學士承旨

歐陽光書至正十四年立石

同上

臣等謹按元宋侯墓無考

原關侯廟在縣治西南金明昌中建元延祐三年重修

殿懸義勇武安王廟扁後題延祐五年九月翰林編修

官牛師厚書豫章李全撰碑

固安縣志

臣等謹按李全碑文今已剥落不可辨

補普安禪師至溫於固安作興化寺

道園學古錄

臣等謹按興化寺久廢

原周世宗伐遼下關南瀛莫二州遣先鋒將劉重進先

發據固安即今縣治

方輿紀要

臣等謹按通鑑晉建武初段匹磾推劉琨為大都

督檄涉復辰疾陸眷段末柸等會于固安討石勒
又宋雍熙三年三月曹彬趨涿州遣先鋒將李繼
隆取固安新城二縣遼統軍使耶律伯特復之仍
屬遼又明洪武三十三年建文遣李景隆徐壽輝
郭英期于白溝河成祖聞之率諸將進駐固安此
皆固安之已事謹類識之以備考

按伯特滿洲語
才力不及也舊

作頗德
今譯改

補固安縣大水岸斥澌橋邊出一碑題曰橋傾天子過

碑出狀元來其年武宗南幸過其邑次年辛巳邑人楊

維聰狀元及第

玉堂叢語

臣等謹按斷橋碑蹟今不可考

增正大二年竒塔特伯竒乞賜固安田二百餘頃從之

金史

按竒塔特蒙古語漢人也伯竒堅固也舊作乞台普濟今譯改

補建隆元年三月遼入侵棣州刺史河南何繼筠追破


其衆于固安獲馬四百匹

續通鑑長編

補京師之南固安永清霸州文安等處京衛屯軍雜居人性驕悍好騎射往往邀路劫財輒奔散不可獲人號

為放響馬賊近來內官用事谷大用馬永成張忠等皆霸州文安諸處人大盜劉七等嘗因內官家人混入禁內豹房觀上游幸之所及為甯杲所逼遂聚眾拒捕後劉瑾誅杲亦得罪繫獄因而作亂

繼世紀聞



欽定日下舊聞考卷一百二十四

欽定日下舊聞考卷一百二十四舉正

與燕易土原書土訛作上今據方輿紀要改

臨城條

興事任力原書任訛作在今改

水經注
聖水條

欽定日下舊聞考卷一百二十四舉正